



Na osnovu člana 3. stav (1) Zakona o službi u OS BiH („Službeni glasnik BiH“ broj:88/05, 53/07, 59/09, 74/10 i 42/12), a u skladu sa odredbama 16., 17., 18. Pravilnika o školovanju i usavršavanju u MO i OS BiH broj: 13-02-3-1550-41/18 od 26.04.2019.godine, a u cilju odabira kandidata/kinja za školovanje na vojnim akademijama u inostranstvu, Ministarstvo odbrane Bosne i Hercegovine raspisuje,

JAVNI KONKURS
za školovanje kadeta na vojnim akademijama Oružanih snaga Republike Grčke,
za školsku 2019./2020. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 7 (sedam) kadeta na Vojnim akademijama Oružanih snaga Republike Grčke, za školsku 2019./2020. godinu po sljedećem:

1. Vojna akademija kopnene vojske (ΣΣΕ) – 4 kadeta,
2. Vazduhoplovna akademija (ΣΙ) – 1 kadet,
 - a) smjer za inženjeriju.
3. Vojna akademija za oficire u službama (ΣΣΑΣ) – 2 kadeta,
(1 stipendija/1 kadet smjer medicina i 1 stipendija/1 kadet smjer veterina)

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18") :
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama te da je propisno vakcinisan/a i da nije nosilac zaraznih bolesti,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe, pravnog lica ili vojske zbog discipline ili povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).
2. **Posebni uslovi:**
 - a) završena srednja škola IV stepen (gimnazija ili neka druga četverogodišnja škola na osnovu koje se stiče pravo upisa na ustanove visokog obrazovanja) ili da trenutno pohađa IV razred srednje škole,

- b) da je minimalan prosjek opšteg uspjeha iz sva četiri razreda najmanje dobar uspjeh (kandidati/kinje sa prosjekom ocjena odličan će imati prednost ako dva ili više kandidata/kinje imaju jednak ukupan broj bodova),
- c) kandidati/kinje koji trenutno pohađaju IV razred srednje škole, po završetku istog, a najkasnije do 21.06.2019. godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,
- d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- e) poznavanje engleskog jezika (provjerava se testom ALCPT),
- f) da nije mlađi/a od 18 i stariji/a od 22 godine na dan 31.12.2019. godine,
- g) poznavanje rada na računaru (Word, Excel, Power Point, Internet),
- h) da je u sva 4 (četiri) razreda srednje škole imao/la matematiku i najmanje u 2 (dva) razreda fiziku,
- i) da je prosjek ocjena iz matematike i fizike najmanje dobar,
- j) da kandidati nisu oženjeni/udati ili razvedeni, da nisu u drugom stanju i da nemaju zakonsku obavezu izdržavanja djece.
- k) Fizička spremnost:
 - kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi, trčanje na 3200 m.

Napomena: Kandidati/kinje prijavljeni na Javni konkurs biće testirani iz: psiho test, test općeg znanja, test iz poznavanja engleskog jezika, test fizičke spremnosti i sa njima će na kraju biti obavljen intervju.

Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Eliminacioni uslovi za prijem na vojne akademije su uspješno položeni: psiho test, test fizičke spremnosti i ljekarski pregled.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje kadeta na vojnim akademijama Oružanih snaga Republike Grčke traje 5 (pet) godina. Na prvoj godini kadeti će najviše vremena posvetiti usavršavanju grčkog i engleskog jezika. 2. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12 i 41/16) i članom 29 Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe, a nakon toga nastavljaju specijalističko usavršavanje na vojnim akademijama Oružanih snaga Republike Grčke u trajanju do 1 (jednu) godine i sticanje VES-a.

4. Međusobne obaveze kandidata/kinja izabranog/ne za školovanje na vojnim akademijama Oružanih snaga Republike Grčke i Ministarstva obrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu Vojne akademije.
6. Za vrijeme školovanja kadetima su osigurani troškovi školarine u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

IV POTREBNI DOKUMENTI

Prijava i lični (biografski) podaci (isključivo po obrascima ponuđenim na www.mod.gov.ba),
Ukoliko kandidat/kinja konkuriše na više vojnih akademija i smjerova, u prijavnom obrascu obavezno navesti redoslijed vojnih akademija i smjerova na koje aplicira, po vlastitom prioritetu.

- a) Ovjerene kopije svjedočanstava svih razreda srednje škole,
- b) Ovjerena kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred, s tim da je kandidat/kinja u obavezi naknadno dostaviti ovjerenu kopiju diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda,
- c) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- d) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- e) Uvjerenje o nevođenju krivičnog postupka, ne starije od 3 (tri) mjeseca,
- f) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- g) Prijava prebivališta CIPS-a ne starija od 6 (šest) mjeseci,
- h) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- i) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na www.mod.gov.ba).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta u Republici Grčkoj“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-1504-5/19
Sarajevo, 27.05.2019. godine

MINISTRICA
Marina Pendeš